



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina XLVIII - Broj 6 Ponedjeljak, 17.8.2015. godine TEŠANJ	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
--	--	---

Na osnovu člana 14. stav 4. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj, za utvrđenje javnog interesa u cilju izgradnje centralnog postrojenja za prečišćavanje otpadnih voda, Općinsko vijeće Tešanj, na svojoj 32. sjednici održanoj, dana 20.7.2015.godine, donosi

ODLUKU

1. **UTVRĐUJE SE DA JE OD JAVNOG INTERESA** izgradnja Centralnog postrojenja za prečišćavanje otpadnih voda za općinu Doboj Jug, Usoru i Tešanj, u naseljenom mjestu Kraševo, općina Tešanj, pa se radi izgradnje navedenog postrojenja a na osnovu Studije izvodljivosti i Revizije navedene Studije, uređene od Instituta za hidrotehniku Građevinskog fakulteta u Sarajevu d.d., može pristupiti potpunoj eksproprijaciji parcela navedenih u prijedlogu Općinskog pravobranilaštva općine Tešanj za utvrđivanje javnog interesa.

2. Utvrđuje se da je Općina Tešanj korisnik eksproprijacije parcela iz tačke 1. ove Odluke.

3. Sastavni dio ove Odluke je grafički prikaz parcela za izgradnju postrojenja iz tačke 1. ove Odluke.

4. Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**OPĆINA TEŠANJ
OPĆINSKO VIJEĆE**

**PREDSJEDAVALJUĆI VIJEĆA
Senad N. Subašić, s. r.**

**Broj: 01-31-3-1670-9/15
Datum: 21.7.2015.godine**

Na osnovu člana 60. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12) i člana 14. stav 29. Statuta Općine Tešanj ("Službeni glasnik općine Tešanj" broj 11/07), Općinsko vijeće Tešanj na svojoj 32. sjednici održanoj dana 20.7.2015. godine, d o n o s i

ODLUKU

**o utvrđivanju platnih razreda i koeficijenata
Općine Tešanj i Općinskog pravobranilaštva**

Član 1.

Ovom Odlukom uređuju se platni razredi, koeficijenti i naknade Općinskog načelnika, savjetnika, državnih službenika i namještenika u službama za upravu Općine Tešanj i Općinskom pravobranilaštvu.

Član 2.

1. Platni razredi nosioca izvršnih funkcija, pravobranioca i savjetnika:

Platni razred	Radno mjesto	Koeficijent
I	Općinski načelnik	9,2
II	Općinski pravobranioac	5,3
III	Zamjenik općinskog pravobranioca	4,7
IV	Savjetnik općinskog načelnika	4,7

Član 3.

2. Državni službenici
Državni službenici u općinskim službama iz člana 1. ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	Pomoćnik općinskog načelnika	5,2
II	Šef odjeljenja	4,5
III	Općinski inspektori	4,3
IV	Stručni savjetnik	4,1
V	Viši stručni saradnik	3,9
VI	Stručni saradnik	3,7

Član 4.**3. Namještenici**

Namještenici u Općinskim službama iz člana 1. ove odluke razvrstavaju se u sedam (7) platnih razreda i za svaki platni razred utvrđuju se koeficijenti za plaću u sljedećim vrijednostima:

Platni razred	Radno mjesto	Koeficijent
I	Šef unutrašnje organizacione jedinice (VŠS)	3,2
II	Viši samostalni referent (VŠS)	3,1
III	Samostalni referent (VŠS)	3
IV	Šef unutrašnje organizacione jedinice (SSS)	2,8
V	Viši referent (SSS) i VKV radnik	2,7
VI	Referent (SSS) i KV radnik III i IV stepena	2,6
VII	Pomoćni radnik, nekvalificirani radnik (NK radnik)	1,85

Član 5.

Općinski načelnik će donijeti Pravilnik o plaćama, naknadama i ostvarivanju određenih prava iz radnog odnosa državnih službenika i namještenika, te u skladu sa istim, zakonom i drugim propisima, Pravilnikom o unutrašnjoj organizaciji i ovom Odlukom, utvrditi pojedinačne koeficijente za plaće nosioca izvršnih funkcija, savjetnika, državnih službenika i namještenika za svako radno mjesto, te definisati i druga prava po osnovu dodataka na plaće i naknade iz radnog odnosa.

Član 6.

Stupanjem na snagu ove Odluke prestaje da važi Odluka o utvrđivanju platnih razreda i koeficijenata za plaće rukovodećih i ostalih službenika i namještenika organa državne službe Općine Tešanj ("Službeni glasnik općine Tešanj" broj 1/08), Odluka o utvrđivanju

koeficijenta za plaću Općinskog načelnika Općine Tešanj ("Službeni glasnik općine Tešanj" broj 1/08), Odluka o utvrđivanju koeficijenta za plaću Općinskog pravobranioca Općine Tešanj ("Službeni glasnik općine Tešanj" broj 1/08) i Odluka o utvrđivanju koeficijenta za plaću zamjenika Općinskog pravobranioca Općine Tešanj i Općine Doboj Jug ("Službeni glasnik općine Tešanj" broj 8/11).

Član 7.

Ova Odluka stupa na snagu danom objavljivanja u "Službenom glasniku općine Tešanj", a primjenjivat će se stupanjem na snagu Pravilnika o plaćama.

**OPĆINA TEŠANJ
OPĆINSKO VIJEĆE**

**PREDSJEDAVAJUĆI VIJEĆA
Senad N. Subašić, s. r.**

Broj: 01-14-7-126-5/13

Datum: 21.7. 2015. godine

Na osnovu člana 14. Statuta Općine Tešanj («Službeni glasnik Općine Tešanj», broj: 11/07), člana 8. Zakona o principima lokalne samouprave ("Službene novine FBiH", broj:49/06) i Sporazuma o zajedničkom učešću u realizaciji projekata iz Programa utroška sredstava vodnih naknada za 2014. godinu, broj: 02-25-4-1163-2/14 od 18.08.2014. godine, Općinsko vijeće Tešanj na svojoj 32. sjednici održanoj dana 20.7.2015. godine donijelo je

**ODLUKU
o realizaciji projekta vodosandbijevanja
"Vodovod Roše"**

Član 1.

- (1) Projekt vodosandbijevanja "Vodovod Roše" (u daljem tekstu: vodovod) realizira se u skladu sa Glavnim projektom "Vodovod Roše" urađen od strane "HG" d.o.o. Tešanj.
- (2) Projektom "Vodovod Roše" obuhvaćeni su građani/korisnici iz MZ Jablanica (Roše) te dijelom i građani koji žive u MZ Dobropolje-Mekiš (naseljeno mjesto Mekiš).
- (3) Ukupna vrijednost projekta vodovoda iznosi: 100.000,00 KM.
- (4) Vodovod se finansira iz sredstava Vodnih naknada i Budžeta Općine 60.000,00 KM i Učešćem građana 40.000,00 KM.

Član 2.

- (1) Sredstvima vodnih naknada i Budžeta Općine Tešanj finansira se izgradnja:

- rezervoara,
- pumpne stanice (bez pumpe),
- ogranak RR-T501-RR cjevovod l=260m,
- ogranak PS-T501 cjevovod l=520 m i
- elektroradovi.

Član 3.

(1) Građanima koji učestvuju u sufinansiranju izgradnje vodovoda, priključna taksa propisana Odlukom o vodovodu i kanalizaciji se umanjuje, tako da umjesto punog iznosa plaćaju iznos od 200,00 KM.

(2) Građani koji ne učestvuju u sufinansiranju izgradnje vodovoda priključnu taksu propisanu Odlukom o vodovodu i kanalizaciji plaćaju u punom iznosu.

Član 4.

(1) Građevinski odbor koji učestvuje u realizaciji projekta i prikuplja sredstva na ime učešća građana u sufinansiranju izgradnje vodovoda, ima obavezu da Općini Tešanj i Mjesnoj zajednici Jablanica dostavi spisak građana koji su potpisali ugovor o učešću u sufinansiranju izgradnje vodovoda.

(2) Samo za građane iz stava 1. ovog člana, primjenjivati će se odredba člana 3. stav 1. ovog Ugovora.

Član 5.

(1) Svi budući korisnici vodovoda koji nisu učestvovali u sufinansiranju izgradnje vodovoda, narednih pet godina od dana puštanja vodovoda u funkciju, plaćaju 1.560,00 KM na račun budžeta Općine Tešanj 60% i na račun MZ Jablanica 40%, u skladu sa članom 1. ove Odluke.

Član 6.

(1) Za realizaciju projekta vodosandbijevanja "Vodovod Roše" odgovorni su Općinski načelnik i organi mjesne zajednice Jablanica.

Član 7.

(1) Ova odluka stupa na snagu narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-1-1416-3/15

Datum: 21.7.2015.godine

Na osnovu člana 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06 i 22/09), člana 13. Zakona o principima lokalne samouprave u Federaciji

Bosne i Hercegovine ("Službene novine Federacije BiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj 32. sjednici održanoj dana 20.7.2015. godine donosi

ODLUKU

o dopuni i izmjeni Odluke o općinskim administrativnim taksama i naknadama

Član 1.

Član 10. stav 2. Odluke o općinskim administrativnim taksama i naknadama ("Službeni glasnik Općine Tešanj" broj 1/14) mijenja se i glasi: "Slučajevi oslobađanja od plaćanja taksu ne odnose se na oslobađanja od plaćanja naknada, izuzev naknade obuhvaćene tarifnikom broj 3. redni broj 7. za korisnike redovne socijalne pomoći Centra za socijalni rad na osnovu rješenja ili odgovarajuće potvrde Centra, kao i penzioneri sa najnižom penzijom, uz priložen dokaz o iznosu penzije.

Osobe iz stava 2. ovog člana izuzete su od plaćanja naknada prilikom uspostave adresnog registra, odnosno prilikom prvog određivanja kućnog broja, a kojima se izda rješenje o određivanju kućnog broja kao vlasnicima ili posjednicima nekretnine za koju se određuje kućni broj.

Član 2.

U Tarifniku općinskih administrativnih taksu i naknada u tarifniku broj 3 iza tačke 5. dodaju se nove tačke 6. i 7. koje glase:

6	Zahtjev za izdavanje uvjerenja o kućnom broju	3 KM
	NAKNADA	
7	Naknada za izradu i postavljanje kućnog broja	15 KM

Član 3.

Ova odluka se primjenjuje narednog dana od dana objavljivanja u "Službenom glasniku Općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-1-2669-8/13

Datum: 21.7.2015. godine

Na osnovu člana 64. Stav 8. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), član 26. Zakona o ustanovama (Službeni list R BiH, broj: 6/92, 8/93 i 13/94) i člana 14. stav 1. tačka 18. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 32. sjednici, održanoj dana 20.07.2015. godine, donijelo je

R J E Š E N J E

o razrješenju Predsjednika Upravnog odbora Javne zdravstvene ustanove Apoteka i centar za medicinsko snabdijevanje „Tefarm“ Tešanj

I

Razrješava se dužnosti predsjednika Upravnog odbora Javne zdravstvene ustanove Apoteka i centar za medicinsko snabdijevanje „Tefarm“ Tešanj, Hatibović Mirsad.

II

Na lični zahtjev imenovani je podnio ostavku na mjesto predsjednika Upravnog odbora Javne zdravstvene ustanove Apoteka i centar za medicinsko snabdijevanje „Tefarm“ Tešanj

III

Ovlašćuje se Karahmet Izudin, član Upravnog odbora da može obavljati i poslove predsjednika Upravnog odbora do izbora i imenovanja novog predsjednika i članova Upravnog odbora Javne zdravstvene ustanove Apoteka i centar za medicinsko snabdijevanje „Tefarm“ Tešanj.

IV

Ovo Rješenje stupa na snagu narednog dana od dana objavljivanja u „Službenom glasniku Općine Tešanj“.

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA Senad N. Subašić, s. r.

Broj: 01-02-49-2-1003-2/15

Datum: 21.7.2015. godine

Na osnovu člana člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03), člana 64. Stav 8. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), člana 10. Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Tešanj („Službeni glasnik

Općine Tešanj“, broj: 8/03, 1/04 i 9/06) i člana 14. Statuta Općine Tešanj („Službeni glasnik Općine Tešanj“, broj: 11/07), Općinsko vijeće Tešanj na svojoj 32. sjednici, održanoj dana 20.07.2015. godine, donijelo je

R J E Š E N J E

o imenovanju komisije za provođenje procedura izbora članova upravnih odbora javnih zdravstvenih ustanova u 2015. godini

I

U cilju praćenja mandata imenovanih upravnih odbora u javnim zdravstvenim ustanovama kojima je osnivač Općina, te pravovremeno pokretanje i provođenje procedure za njihov izbor i imenovanje zbog isteka mandata, imenuje se Komisija za provođenje procedure izbora članova upravnih odbora javnih zdravstvenih ustanova u 2015. godini u sljedećem sastavu:

- Azra Muslija, predsjednik
- Kanita Gređelj, član
- Mirnes Dedukić, član
- Haris Jašić, član
- Velid Joldić, član.

II

Zadatak Komisije je da odmah, a prema dostavljenom pregledu mandata upravnih odbora u javnim zdravstvenim ustanovama, sačini plan rada (pregled rokova i dinamiku aktivnosti pokretanja i provođenja procedure za izbor i imenovanje ovih organa čiji mandat ističe u oktobru 2015. godine).

Komisija će, shodno zakonu pokrenuti i realizirati sve aktivnosti vezane za pokretanje i realizaciju procedura uz saglasnost nadležnih općinskih organa za izbor i imenovanje.

Komisija za izbor će predložiti rang listu sa najbolje rangiranim kandidatima i dostaviti Općinskom načelniku. Općinski načelnik predlaže Općinskom vijeću donošenje rješenja o konačnom imenovanju upravnih odbora javnih zdravstvenih ustanova.

III

Naknadu za rad članovima Komisije iz tačke i ovog rješenja će odrediti Općinski načelnik u skladu sa naknadama za rad komisija, a po osnovu izvještaja o radu Komisije.

IV

Ovo rješenje stupa na snagu danom donošenja i objavit će se u "Službenom glasniku općine Tešanj".

OPĆINA TEŠANJ OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-34-5-1410-2 /15

Datum: 21.7.2015. godine

Općinsko vijeće Tešanj je na svojoj 32. sjednici održanoj dana 20.7.2015. godine, razmatrajući Izvještaj o izvršenju Budžeta za I polugodište 2015. godine, donijelo sljedeći

ZAKLJUČAK

Usvaja se Izvještaj o izvršenju Budžeta za I polugodište 2015. godine.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-14-6-1411-3/15

Datum: 21.7.2015.godine

Općinsko vijeće Tešanj je na svojoj 32. sjednici održanoj dana 20.7.2015. godine, razmatrajući Izvještaj o izvršenju Budžeta za I polugodište 2015. godine na prijedlog Kluba vijećnika SDA, donijelo sljedeći

ZAKLJUČAK

Pri izradi Plana budžeta za 2016.godinu uzeti u obzir vremensku dinamiku prihoda i rashoda, i pripremiti kao prilog dosadašnjem standardnom prijedlogu (prilog: unijeti još jednu kolonu u kojoj će biti planske cifre za prvo polugodište).

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-14-6-1411-4/15

Datum: 21.7.2015.godine

Općinsko vijeće Tešanj je na svojoj 32. sjednici održanoj dana 20.7.2015. godine, razmatrajući Izvještaj o radu Općinskog vijeća za period 01.01. – 30.06.2015. godine, donijelo sljedeći

ZAKLJUČAK

Usvaja se Izvještaj o radu Općinskog vijeća za period 01.01. – 30.06.2015. godine.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-49-2-1379-2/15

Datum: 21.7.2015.godine

Općinsko vijeće Tešanj je na svojoj 32. sjednici održanoj dana 20.7.2015. godine, razmatrajući Informacija o stanju predškolskog odgoja i obrazovanja na području općine Tešanj, donijelo sljedeći

ZAKLJUČAK

Prima se na znanje Informacija o stanju predškolskog odgoja i obrazovanja na području općine Tešanj uz predloženi zaključak koji glasi: „Općinski načelnik će putem nadležne službe (u saradnji sa privatnim predškolskim ustanovama) uputiti dopis nadležnom ministarstvu kako bi sredstva namijenjena za implementaciju Programa obaveznog predškolskog odgoja i obrazovanja bila blagovremeno operativna, a što je ranije usložnjavalo kvalitetnu implementaciju Programa (nedostatak didaktičkog materijala, kašnjenje sa isplata naknada realizatorima, i sl).“.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-05-2-6-510-5/15

Datum: 21.7.2015.godine

Na osnovu Odluke o javno-privatnom dijalogu (“Službeni glasnik Općine Tešanj” broj 4/14), a u skladu sa Zaključkom SLER, te člana 30. Statuta Općine Tešanj (“Službeni glasnik Općine Tešanj” broj 11/07) Općinski načelnik donosi

RJEŠENJE

o imenovanju radnog i operativnog tima

I

Imenuje se Radni i operativni tim u sastavu:

1. Muharem Saračević (Direktor MSS i član SLER-a), vođa radnog tima,
2. Muharem Berberović (Šef BIRO-a Tešanj i član SLER-a), član radnog tima,
3. Anida Ćeman (predstavnica IECM-a) član radnog tima,
4. Muamer Omahać (predstavnik Udruženja privrednika Biznis-Centar), član radnog tima,

5. Emina Jeleč (pradstavica JOM-a), član radnog tima,
6. Almir Ramić (predstavnik JOM-a), član radnog tima,
7. Enida Spahić-Mulabdić, JOM, član operativnog tima,
8. Fadila Dedić, Biro rada Tešanj, član operativnog tima,
9. Nedim Mehinović, IECM, član operativnog tima,
10. Jasmin Kotorić, JOM, član operativnog tima,
11. Amina Čostović, Biro rada Tešanj, član operativnog tima,
12. Almedina Mehmedović, IECM, član operativnog tima,
13. Adnan Šeljmo, MSS, član operativnog tima.

II

Zadatak radnog i operativnog tima je da izradi Analizu o usklađenosti obrazovanja (formalnog i neformalnog) sa potrebama na tržištu rada na području općine Tešanj.

Analizom je potrebno utvrditi da li je program stručnog obrazovanja dovoljno kvalitetan da odgovori na potrebe lokalne privrede, koji su nedostaci i kako unaprijediti program stručnog obrazovanja da bi se zadovoljila očekivanja poslodavaca.

Za realizaciju zadatka Radni i operativni tim je ovlašten da prikuplja podatke od nadležnih institucija, vrši ankete i poduzme sve druge potrebne radnje za izradu Analize.

Analizu je potrebno uraditi i dostaviti izvještaj Općinskom naačelniku najkasnije do **30.09.2015. godine**.

III

Za izradu Analize o usklađenosti stručnog obrazovanja i potreba na tržištu radne snage, Radni i operativni tim će postupati u skladu sa Planom aktivnosti, a isplata naknade članovima timova će se izvršiti nakon dostave izvještaja posebnim rješenjem.

IV

Ovo rješenje se primjenjuje danom donošenja i objavit će se u Službenom glasniku Općine Tešanj.

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s. r.**

**Broj: 02-38-5-604-2/15
Datum: 29.06.2015. godine**

Na osnovu člana 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik donosi

R J E Š E N J E **o imenovanju komisije za provođenje** **procedura izbora članova upravnih odbora** **javnih ustanova u 2015. godini.**

I

U cilju praćenja mandata imenovanih upravnih odbora u javnim ustanovama kojima je osnivač Općina, te pravovremeno pokretanje i provođenje procedure za njihov izbor i imenovanje zbog isteka mandata, imenujem Komisiju za provođenje procedure izbora članova upravnih odbora javnih ustanova u 2015. godini u sljedećem sastavu:

- Kanita Gredelj, predsjednik
- Azra Muslija, član
- Mirnes Dedukić, član
- Bernadeta Galijašević, član
- Muhamed Halilović, član.

II

Zadatak Komisije je da odmah, a prema dostavljenom pregledu mandata upravnih odbora u javnim ustanovama, sačini plan rada (pregled rokova i dinamiku aktivnosti pokretanja i provođenja procedure za izbor i imenovanje ovih organa čiji mandat ističe u 2015. godini) te isti dostavi Općinskom načelniku u pismenoj formi.

Komisija će, sukladno zakonu pokrenuti i realizirati sve aktivnosti vezane za pokretanje i realizaciju procedura uz saglasnost nadležnih općinskih organa za izbor i imenovanje.

III

Naknadu za rad članovima Komisije iz tačke I ovog rješenja će odrediti Općinski načelnik u skladu sa naknadama za rad komisija, a po osnovu izvještaja o radu Komisije.

IV

Ovo rješenje stupa na snagu danom donošenja i objavit će se u "Službenom glasniku općine Tešanj".

**OPĆINA TEŠANJ
OPĆINSKO VIJEĆE**

**OPĆINSKI NAČELNIK
Suad Huskić, s. r.**

**Broj: 03-34-5-1514/15
Datum: 18.08.2015. godine**

S A D R Ź A J

I - AKTI OPĆINSKOG VIJEĆA

Strana

99.	Odluka kojom se utvrđuje da je od javnog interesa izgradnja Centralnog postrojenja za prečišćavanje otpadnih voda za općinu Doboju Jug, Usoru i Tešanj.....	97
100.	Odluka o utvrđivanju platnih razreda i koeficijenta Općine Tešanj i Općinskog pravobranilaštva.....	97
101.	Odluka o realizaciji projekta vodosandbijevanja Vodovod Roše’.....	98
102.	Odluka o dopuni i izmjeni Odluke o općinskim administrativnim taksama i naknadama.....	99
103.	Rješenje o razrješenju Predsjednika Upravnog odbora JZU Apoteka i centar za medicinsko snabdijevanje „Tefarm“ Tešanj.....	100
104.	Rješenje o imenovanju komisije za provođenje procedura izbora članova UO JZU u 2015. godini.....	100
105.	Zaključak - Izvještaj o izvršenju Budžeta za I polugodište 2015.godine.....	101
105.	Zaključak za izradu Plana budžeta za 2016.godinu- prijedlog Kluba vijećnika SDA.....	101
106.	Zaključak Izvještaj o radu Općinskog vijeća za period 01.01. – 30.06.2015. godine.....	101
107.	Zaključak Informacija o stanju predškolskog odgoja i obrazovanja	101

I - AKTI OPĆINSKOG NAČELNIKA

19.	Rješenje o imenovanju radnog i operativnog tima izradi Analizu o usklađenosti obrazovanja.....	101
20.	Rješenje o imenovanju komisije za provođenje procedura izbora članova UO JU u 2015. godini.....	102